

門生 王好善編輯

自治書

了凡先生學極天人教通內外兒童婦女靡不知其名而仰慕焉若其自治之密則通儒大人或未能察也先生孳孳為善惟恐不及其自檢之條及當官功過格晨昏功課錄皆有志者所當服行者也輯自治書

思補堂自檢款目

一晨昏功課俱有成規有事不及行即撥冗補之

不可缺也缺則書冊以志吾過

一書云吉人為善惟日不足居官須有邁種德之

念日行善事惟恐不及庶上不愧此祿下此生不虛

一置治心編一冊每日門子携置案上所行之事

皆隨手劄記夜則布卓于庭焚香再拜以告于帝

一古人瞬有養息有存蓋無日不齋戒也然臨祭

之時猶散齋七日致齋三日今按須知文冊當

官三十一事以祭祀為首此而不敬非人矣凡

遇祭祀務遵戒約以求感格於神明

一忿心難釋戾氣難融古今豪傑所以不能建中

和之極者皆坐此耳今遇有可怒可恐之事皆當百倍忍耐決不可乘怒用刑乘忿發書以貽後日之悔

一左右或以冷言中我或以緩語讚人其情態百端一切皆當洞燭至于當官行事凡吏書之言決不可聽則我為彼役矣

一操守一節稍知好亮能保全但不可以廉炫人亦不可因廉生刻蓋一清如水大節凜然皆吾本分之事也

一凡事不能有利而無害事到手即思其利害何如果有益于生民有禪于

卷之十一

朝政者即行之倘一時有利而或貽害于後及害多利少者皆不可輕舉

一去一惡人是貽地方之福吾若為不去然不可疾惡夫嚴吾寧失于不經勿過刻也

一澹泊是儒家風味吾謹守之日用支俸錢自給勿得過五十文

一用物給錢平買較常價稍優其值寧使賣物者欺官毋使官欺商人也

一主威之道不在刑罰而在威儀每日坐堂必

衣冠尊瞻視雖祈寒盛暑決不可褻服自便

### 當官功過格

書云作善降之百祥作不善降之百殃又云惠迪吉從逆凶惟影響嚴矣弘道藏有紫微帝君功過格吾師復所揚先生刻之感應篇中余取其有切于官守者增損數條用以自警

### 功格

免大辟一人當百功

免永戍一人當五十功免終身軍一人當三十功

免滿徒一人當二十功三年徒當十五功二年

卷下

三

徒當十功一年徒當五功

免滿杖一人當三功九十以下當二功

按紫微格凡人犯罪應死而吾免之始其有功若不應死者減其軍徒以下皆然蓋不教而殺謂之虐今之民夫教久矣即使刑真罪當首重致也故得其情適當哀矜之

責人須明告其罪使之知改凡刑人而當使見

者愜心受者愧服笑十功

凡有力役差遣均平使闔縣受福笑千功

催徵有法不甚用刑而錢糧畢辦笑百功能認

罪緩徵笑十功

申請蠲免使地方得受實惠笑三千功

教人為善誘掖獎勸使有成立其功各因人受益之大小而定之

行路人有病設法卷療一人笑二功垂死而得生者笑十功

葬死人及枯骨各笑三功

凡責人而已不怒真有與人為善之心笑一功未祭而能守齋戒當祭而如對神明笑十功

禱雨祈晴能竭誠盡慎有應每事笑百功

監中囚犯依期給糧禁戢獄卒使得安寧一人笑一功閒中進監為陳說善惡使肯改過一人

笑百功

收養孤老一人笑十功勸其親戚責以大義令各收養一人笑二十功

應扶人而能忍不杖笑一功

開渠築堤能興水利視事之大小笑功

能禁戢豪強不使播惡笑十功

凡聽訟能伸冤理枉一事笑一功能誨誘頑民平其忿心使之無訟笑十功

賑濟得實一人笑一功

荒年煮粥本縣來食者一人笑一功他方來食

者一人美二功

冬寒窮民無衣設法做襖給之自給者一襖美  
三功勸人給者美五功以不獨為君子也凡施  
人錢物皆以百錢美一功

蘭明正教維持正法使聖賢遺旨燦然復明千  
世功德無量

凡事惜福躬行節儉使風俗還淳美千功

凡解人之怒釋人之疑濟人之急拯人之危皆  
隨事之大小人之善惡美功

過格

怒中責人美二過無罪悞責美十過

凡問罪成招不與開一線之路只求上司不駁  
美三過

泥成案不與開招各隨事之大小美過

上司怒不敢辯救美一過

接人不拘貴賤若有輕慢之心美一過

心有宿怨而外作好詞美二過

見人不檢不與規正美一過共助成其惡美十

毀人揚己美百過

不畏大人將上司行移或分付言語不行用心

祇奉笑二過

飲酒多笑一過醉而失禮笑二過

妄言笑一過

力可以濟人而不肯盡笑三過

強不知而為知笑一過

攘人之能掩人之善忘人之恩談人之短皆笑

十過

遇災不申遇賑而吝皆笑百過

不禁宰牛一牛笑一過

扶死一人笑百過

卷之二

六

輕用民力隨教寡笑過

受人囑託笑一過枉法者笑十過

祭祀不盡誠笑十過

遇長不敬遇幼不慈遇朋友不信皆笑五過

加派增糧笑千過

逢迎勢要笑一過若累平民笑十過

非禮餽人笑一過

演戲作樂恣情酒食笑一過或習成奢侈陰傷

風化笑十過

水旱不早為祈禱笑五過祈禱而不盡誠惟以

虛文塞責第十過

遇知己而含疑不盡笑一過

待人不誠笑一過或挾詐自逞笑三過

自占便宜損人利己笑十過

### 晨昏功課錄

丈夫處世飽食終日而無所事事竊竊視之此日一過不可復得泄泄然虛度不作毫髮善行何以報父母對天地而慰吾師友哉釋氏初學之徒類有功課余以已意酌為數條日循而行之凡數年矣或者憐余頹憊應酬冗拜多恐損益無益予聞

陶侃在荊州日運甓習勞有志者當如是予雖老

七

方見用于世致身效勞有無窮之責未有頹其形惰其氣而能成天下之亶亶者謹以懺悔效運甓為不然晏安酖毒也有志養生者若之何服之

了凡居士袁黃坤儀甫書

### 清晨懺悔文

竊惟凡夫垢重欲界情濃無始劫來久斷還源之路有知覺後長隨妄集之塵或緣三業以招尤或自六根而起過或恣內情而甘心勞役或耽外境而着意馳求執有漏之空華生無明之煩惱數其惡擢髮難

盡悔其非摧肝莫追憾莫憾兮歆潔而故汚痛莫痛  
兮屢戒而旋犯仰慈悲而瀝血勤懺悔以祈哀所願  
念念歸真塵塵離垢廣修六度頓悟一乘早遇至人  
幸逢大藥壽源彌永勤施不壞之功祿位益崇普濟  
無邊之衆揭三綱於日月皎百行於風塵立朝為淳  
德之臣處世為中行之彥禮義光於祖考詩書保乎  
子孫四智圓明六通齊備破衆生之疑網建群聖之  
法幢文章遠繼六經言言覺世技藝獨高千古處處  
降魔報國濟民撥亂反正逢諸疾苦為作良醫遇衆  
昏迷示其正路凶年艱食廣分香積之糧暗路難行  
化作光明之燭盡十方世界皆為圓覺伽藍主伴咸  
臻于本際與一切衆生同入平等性覺自他俱徹于

靈源

晚誦

弟子袁黃奉為

當朝皇帝一心歸命頂禮三寶祈奉慈悲本願使三  
德蚤圓萬邦咸賴

弟子袁黃奉為故父某人故母某氏及袁門從上一  
切祖妣一心歸命頂禮三寶祈承慈悲本願使祖考  
所作之業盡歸于身代為受罪于小子纖毫之善皆  
歸祖考俾蚤超昇

晚誦至一心歸命一扣頭頂禮三寶三扣頭誦完總扣一扣後皆



弟子袁黃奉為亡兄某人亡嫂某氏存弟袁某弟婦某氏等及袁門一切族屬乃至同宗散處不相識認者一心歸命頂禮三寶祈奉慈悲本使沒者齊生淨土存者敦睦相親如無兄弟者只為合族扣拜

弟子袁黃奉為乳母某人妻某氏一心歸命頂禮三寶祈承慈悲本願使二愚頓謝三昧現前如無乳母者不必拜

弟子袁黃奉為從幼以來受業諸師凡有一言一字之益一材一藝之授者一心歸命頂禮三寶祈承慈悲本願使五蘊解脫四智圓明

弟子袁黃奉為鄉會座主及凡薦拔提携一切知己

卷之二

九

一心歸命頂禮三寶祈承慈悲本願使罪滅福圓常

為導首如無鄉會座主者改稱前後考試主司如無薦主者薦拔改為試拔如并考試主司亦無者只稱識拔提携一切知己

弟子袁黃奉為父黨母黨妻黨一切親戚一心歸命頂禮三寶祈承慈悲本願使罪業消除冤愆解釋

弟子袁黃奉為同窓同年同遊同志一切諸友及凡有一面之識者一心歸命頂禮三寶祈承慈悲本願使漸磨日篤大道偕趨如無同年者不必釋

弟子袁黃奉為前後授業諸生及凡聞風私淑之徒一心歸命頂禮三寶祈承慈悲本願使圓悟一心紹

隆聖種不必無生徒者

弟子袁黃奉為當朝宰相及凡文武一切官僚一心

歸命頂禮三寶祈承慈悲本願使推賢讓能盡忠國報

弟子袁黃奉為今日各位上司及本邑鄰邦一切僚

屬等官一心歸命頂禮三寶祈承慈悲本願使同發

善心同行善政如未入仕者只稱本首各位上司

弟子袁黃奉為寶坻今日士民乃至遠近觀風等衆

一心歸命頂禮三寶祈承慈悲本願使親賢樂利各

得其所未臨民者此

弟子袁黃奉為室人某氏及同居僕婢乃至一切往

來人衆一心歸命頂禮三寶祈承慈悲本願使齊懺

前非同圓後果

弟子袁黃奉為童子袁天啓袁寶生及後來一切子

孫一心歸命頂禮三寶祈承慈悲本願使福慧雙修

永護三寶未有子者只稱

弟子袁黃奉為上界天主天衆仙主仙衆神王神將

各及眷屬一心歸命頂禮三寶祈承慈悲本願使諸

漏頓除妙覺早證

弟子袁黃奉為一切阿脩羅王阿修羅衆各及眷屬

一心歸命頂禮三寶祈承慈悲本願使不樂餘乘均

躋寶所

弟子袁黃奉為一切龍王神衆各及眷屬一心歸命  
頂禮三寶祈承慈悲本願使斷塵沙惑證金剛心  
弟子袁黃奉為一切魔王外道神衆各及眷屬一心  
歸命頂禮三寶祈承慈悲本願使究竟習因圓成佛智  
弟子袁黃奉為中界一切神王神將幽顯諸神各及  
眷屬一心歸命頂禮三寶祈承慈悲本願使淨盡無  
明證窮法性

弟子袁黃奉為下界閻羅天子及一切神王神將各  
及眷屬一心歸命頂禮三寶祈承慈悲本願使了幻  
妄心住秘密藏

卷之十一

十一

弟子袁黃奉為華夷一切人民乃至十方世界微塵  
刹土中人道衆生一心歸命頂禮三寶祈承慈悲本  
願使身心俱淨同享雍熙

弟子袁黃奉為今日各處獄中囚犯乃至十方世界  
微塵刹土中地獄道一切衆生一心歸命頂禮三寶  
祈承慈悲本願使惡緣懺盡獄報頓空

弟子袁黃奉為十方世界微塵刹土中餓鬼道一切  
衆生乃至無量無邊一切鬼趣一心歸命頂禮三寶  
祈承慈悲本願使罪業遠離禪悅充足

弟子袁黃奉為十方世界微塵刹土中畜生道一切  
衆生至無量無邊胎卵濕化抱識含靈一心歸命頂  
禮三寶祈承慈悲本願使永離異類同證菩提

### 黃昏回向五戒

一不殺生

先持呪  
然後拜

稽首十方三世一切諸佛拜稽首三洲感應護法章  
馱尊天拜稽首天龍八部及上下幽顯一切護法神  
祇拜稽首本府本縣城隍之神拜稽首當境土地之  
神拜竊惟聖人愛物天地好生養茲不忍之心便是  
求仁之本弟子袁黃尊佛明誨今日從朝至暮不敢

卷之二

三

殺生但蠢動含靈皆為物命凡愚業重動輒相殘縱  
從今不殺一生念已往難酬萬命特誦佛母準提呪  
若干遍多則一千少亦  
一百八遍伏茲呪力使我弟子自今至

於後日慈悲雙運禁戒獨嚴從前受害之生悉當超  
度衆人嗜殺之罪咸與消除户户持齋現世斷刀兵  
之慘人人戒殺地獄空寃對之門以上  
晚誦願佛慈悲哀

憐攝受頭

一扣

願常馱憐憫為作證明頭

一扣

願天龍鬼

神同心呵護頭

一扣

願城隍土地盡力提携頭

一扣

令惡

緣消散善事圓成頭

一扣

不偷盜

稽首十方三世一切諸佛拜稽首三洲感應護法帝  
馱尊天拜稽首天龍八部及上下幽顯一切護法神  
祇拜稽首本府本縣城隍之神拜稽首當境土地之  
神拜稽首竊惟人生百行庶幾為先哲人常畏夫四知往  
聖每嚴于一介弟子哀黃遵佛明諫今日從朝至暮  
不敢偷盜但克義至精省身難盡暫墮小節輒悞平  
生所得未及毫毛所喪已踰山岳特誦佛母準提呪  
若干遍仗茲呪力使我弟子自今至于後日恥心益  
烈清德彌高辭受協宜冰蘖在念觀吾面而鄙夫易  
慮聞吾名而貪士興廉八埏盡守清規百世永師讓  
德以上願佛慈悲哀憐攝受和願帝馱憐憫為作証  
明和願天龍鬼神同心呵護和願城隍土地盡力提  
携和願使惡緣消盡善事圓成和願

不邪淫

稽首十方三世一切諸佛拜稽首三洲感應護法帝  
馱尊天拜稽首天龍八部上下幽顯一切護法神祇  
拜稽首本府本縣城隍之神拜稽首當境土地之神  
拜竊惟喪德喪名皆由於色損福損壽無過于淫故  
守身必斷夫情塵而戒行尤嚴于衽席弟子哀黃遵  
佛明諫今日從朝至暮不敢邪淫但愛波易染氣

境以平沉歆戒曾持戒臨岐而墮落一思敗軌幾負  
刺心特誦佛語準提呪若干遍仗茲呪力使我弟子  
自今至于後日定性如澄潭之月應色如過樹之風  
觀真穢于華叢不受骷髏之熱誑悟毒蛇于花蓋永  
拋恩愛之深纏化起于閨門禮傳于薄海男外女內  
家家成有別之風夫唱婦隨世世守無邪之訓以上  
願佛慈悲哀憐攝受和願帝馱憐憫為作證明和願  
天龍鬼神同心呵護和願城隍土地盡力提携和今  
惡緣消散善事圓成和

不妄語

卷下

七

稽首十方三世一切諸佛拜稽首三洲感應護法帝  
馱尊天拜稽首天龍八部上下幽顯一切護法神祇  
拜稽首本府本縣城隍之神拜稽首當境土地之神  
拜竊惟白圭易玷良駟難追三緘猶慮招尤半句能  
消現福弟子袁黃遵佛明誨今日從朝至暮不敢妄  
語然浮氣欲收而常肆微言思慎而屢訛非特敢于  
欺人抑亦熟于昧已持誦佛母準提呪若干遍仗茲  
呪力使我弟子自今至于後日修詞立誠啓口見德  
大足以動天地細足以孚豚魚幽足以感鬼神明足  
以格衆庶輕浮者尚實矯偽者馭愧凡茲含齒之徒

盡浴由衰之化願佛慈悲哀憐攝受願常馱憐憫  
為作証明願天龍鬼神同心呵護願城隍土地  
盡力提携願令惡緣消散善事圓成

不飲酒食肉戒

不註全戒則於十齋日持

稽首十方三世一切諸佛拜稽首三洲感應護法帝

駁尊天拜稽首天龍八部上下幽顯一切護法神祇

拜稽首本府本縣城隍之神拜稽首當境土地之神

拜竊惟麪藥乃迷心之醜毒脂膏亦伐胃之斧斤歎

養精神須其澹泊弟子袁黃遵佛明誨今日從朝至

暮不敢飲酒食肉但醉飽之日已貪饕之風未革曉

卷之十一

五

元

斯穢穢久污清潔之靈臺捐此微軀莫補衆生之肉

債持誦佛母準提呪若干遍使我弟子自今至于後

日恬憺為心清齋自守雖俗緣未斷人前不免隨流

而梵行潛修獨處備能刻苦喚醒衆人之醉同對水

壺掃除六合之暈齊登慈岸以上跪誦願佛慈悲哀憐攝

受願常馱憐憫為作証明願天龍鬼神同心呵

護願城隍土地盡力提携願令惡緣消散善事圓

成

延賓館稟客語

十六年年初到即入觀觀回稟客

交際之禮古人不廢為政而以清高自負子牙然去

人倫無得豈得為中道矧予夙負虛聲干宇內宇內人士咸望而畏之尤當刻意同俗求以消人之疑而行已之志平居念此至熟矣邇者入覲偶緣無處不持一物遂使都門貴游加禮於不肖者闕然無以報實切愧之吾邑大夫士素賢素厚素多情而愛予尤至倘循交道而接以禮明德之貺其誰敢違但已不能餽人而復受人之餽非恕也即一魚一菜不敢拜登庶可謝吾同年故舊而內無愧於予心耳蓋座鹿懸魚人各有志倘緣是以求潔吾名誠為過高之行今惟求不愧于吾心焉則亦篤實自慊之事也願曲賜體亮以慰小人耿耿之衷不然人已之交兩相負矣諸公豈忍恣心以成吾過

臨行送鄉士夫書

鄙人初至欲守硜硜之節矢嚴于一介第以諸公明德之旣殷殷懇懇意弗獲却而他項交際又難盡絕因是勉領其一二節年來不糜官帑不煩舖家凡上司取用師友問遺皆需於此今頻行後蒙餞渥愧弗克當顧視筭中前賜尚有餘者自村一肩行李尚覺勞人若携峽長物則亦何為謹一一壁上惟檢入是荷